

Վարչական տույժ նշանակելու մասին

«01» հոկտեմբեր 2020թ

ք. Վանաձոր

ՀՀ ՊԵԿ Արևելյան մաքսատուն-վարչության պետ Գարիկ Դարբինյանս, ուսումնասիրելով Վաչագան Արամի Վարդանյանի /AR0293903, տրված՝ 16.05.2017թ., 066-ի կողմից, Լոռու մարզ, ք. Վանաձոր, Թատերական փ., շ. 4, բն. 22 / կողմից մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

2018 թվականի մայիսի 25-ին թիվ 05100033/250518/0031426 տարանցման հայտարարագրով ՀՀ քաղաքացի Վաչագան Վարդանյանի անվամբ ՀՀ է ներմուծվել 11 հատ բջջային հեռախոսներ / 4 հատ XIAOMIA REDMI 5 32 GB, 3 հատ SAMSUNG SM C5000 GALAXY C5 32 GB, 2 հատ SAMSUNG SM C5010 SMART 2SIM 4 GB 64 GB, 2 հատ ULCOOL V36 : Նշված հեռախոսները 29.05.2018 թվականին հանձնվել են մաքսային մարմինների ժամանակավոր պահպանմանը, որի վերաբերյալ կազմվել է մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցը ժամանակավոր պահպանության վերցնելու վերաբերյալ անդորրագիր: 06.06.2018 թվականի թիվ 05100030/060618/0001358 ապրանքների հայտարարագրով <<ներքին սպառման համար բացթողում>> մաքսային ընթացակարգով հայտարարագրվել է 29.05.2018 թվականին մաքսային մարմինների ժամանակավոր պահպանմանը հանձնված 4 հատ XIAOMIA REDMI 5 32 GB, 3 հատ SAMSUNG SM C5000 GALAXY C5 32 GB, 2 հատ SAMSUNG SM C5010 SMART 2SIM 4 GB 64 GB բջջային հեռախոսները, իսկ 2 հատ ULCOOL V36 հեռախոսները մինչ օրս ձևակերպում չեն ստացել:

ՀՀ ՊԵԿ Արևելյան մաքսատուն-վարչության ՄԳ բաժնի գլխավոր մաքսային տեսուչի կողմից 02.09.2020 թվականին Վաչագան Վարդանյանի նկատմամբ կազմվել է մաքսային

կանոնների խախտման վերաբերյալ արձանագրություն ՀՀ ՄՕ 194-րդ հոդվածի հատկանիշներով:

Նշանակվել է գործի քննություն 11.09.2020թ.-ին ժամը 10:00-ին, ՀՀ ՊԵԿ Արևելյան մաքսատուն-վարչության վարչական շենքում: Գործի քննությունը տեղափոխվել և նշանակվել է 01.10.2020 թվականին ժամը 17:00-ին, ինչի մասին վերջինս փոստային կապի միջոցով պատշաճ ծանուցվել է, սակայն չի ներկայացել վարչական լուծմներին և միջնորդություն չի ներկայացրել այն հետաձգելու վերաբերյալ:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի:

Սույն օրենսգրքի **110-րդ հոդվածի 1-ին կետի համաձայն՝** միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ ՄՕ 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գտնում է, որ սույն վարչական գործով առկա է 17.12.2014թ. ՀՕ-241-Ն <<Մաքսային կարգավորման մասին>> օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ-ի 194 հոդվածով նախատեսված

մաքսային կանոնների խախտման հատկանիշներ: Վաչագան Վարդանյանը 2018 թվականի մայիսի 25-ին ՀՀ ներմուծած 11 հեռախոսներից միայն 9 հատի վերաբերյալ է ներկայացրել հայտարարագիր, իսկ 2 հատ հեռախոսների վերաբերյալ սահմանված ժամկետում չի ներկայացրել հայտարարագիր:

Ելնելով վերոգրյալից և ղեկավարվելով ՀՀ ՄՕ 194, 206, ՎԻՎՕ 214, 234 հոդվածներով՝

Ո Ր Ո Շ Ե Ց Ի


1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար Վաչագան Վարդանյանին ենթարկել վարչական պատասխանատվության՝ տուգանելով 50000 ՀՀ դրամի չափով:

2. Որոշման մասին հայտնել Վաչագան Վարդանյանին՝ պարզաբանելով, որ այն ՀՀ մաքսային օրենսգրքի 221-րդ հոդվածի համաձայն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության օրենսգրքի 72-րդ հոդվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական դատարան:

3. Որոշումը կամավոր չկատարելու դեպքում այն կկատարվի ՀՀ Դատական ակտերի հարկադիր կատարման ծառայության>> միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է՝ 900005024055 /ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29/:

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ